



Акафист

Преподобному отцу нашему Иоанну Дамаскину

Кондак 1

Избраннаго сосуда благодати Божия, Иоанна богохвальнаго, притецем вси восхвалити от Дамаска убо града звезду всесветло возшедшую, вселенския же Церкви свирель приснопоющую божественных таин истину, пренебрегшаго славу мира славы ради Христа Бога, да вознесем ему молитву радования:

Радуйся, преподобне Иоанне, Дамаска славо и вселенныя православное утверждение.

Икос 1

Ангелонравно житие твое предпочет, Иоанне благознамените, принесл еси жертву Христу великосановныя жизни отречения, сице и от мудрости чловечи почерп, наипаче возлюбил еси Божия премудрости сладость, и в пустыни смирения вселся, изяснил еси правыя веры высот простоту. Сего ради яко божественных учений источнику взываем ти:

Радуйся, светильниче божественнаго света, сияяй в нощи неверия;

радуйся, поклонниче истинныя веры, умудряяй

словесы богопознания.

Радуйся, благознаменитаго рода отрасли;
радуйся, смиренномудраго преподобия образе.

Радуйся, процветшая во среде агарян
христианская похвало;

радуйся, прозябшее во тщеславнем мире
кротости христовы преподобие.

Радуйся, от философов мира наученный;
радуйся, от премудрости Божия умудренный.

Радуйся, яко воздал еси Божие богovi;
радуйся, яко презрел еси красная царская, да
наследиши Царство Вечное.

Радуйся, благодати Божия тезоимените;
радуйся, Церкви священнейший пресвитере.

Радуйся, преподобне Иоанне, Дамаска славо и
вселенная православное утверждение.

Кондак 2

Видя Бог, яко семя, Им посажденное, в добру
землю паде и хочет плод многобогат принести,
упасл еси дом твой, Иоанне Дамаскине,
родителей, в Христове вере утвержден, яко да
неудобоприятно тернию явит в нем
богоприятную розгу, всемирно песнословящую:
Аллилуиа.

Икос 2

Разума высокоумудрие посрамляется, видящим
нам перваго советника властителя агарянского,

власть страны иноверныя велию имуща,
уничженным же и гонимым прилежаща
сердцем, обидимым и досаждаемым помогающа:
темже и ныне припадем ко Иоанну о нас
печальнику, да ны услышит к нему вопиющыя:
Радуйся, христолюбивыя паствы благий
управителю;
радуйся, ангелоподобный в бедах сущым
хранителю.
Радуйся, аки добрый самарянин больным
прилежавый;
радуйся, благими делы Христа проповедавый.
Радуйся, еже работати Богови в безмолвии
возжелевый;
радуйся, обаче кротце повинувыйся властем, да
послужиши державе твоей.
Радуйся, всяку власть яко от Бога сущу
почитавый;
радуйся, от смирения великая обретаый.
Радуйся, яко рода твоего преславная во мнозе
удобрил еси;
радуйся, превозшедый в разуме и славе
наставников и сродников твоих.
Радуйся, яко волю сердца твоего воли Божии
приклонил еси;
радуйся, яко веры твоея огонь в сердца твоем
присно пламенеющ всяко соблюл еси.

Радуйся, преподобне Иоанне, Дамаска славо и вселенныя православное утверждение.

Кондак 3

Силе Вышняго противу быти не могий, Иоанне богопослушне, царя иконоборца не убоялся еси: подобя бо ся Иоанну Предтечи, ревностнаго словесе не удержал еси, да научиши люди, кланяющесе во иконе первообразу, взывати Богови: Аллилуиа.

Икос 3

Имея внутрь себе божественныя славы ревность, возвысил еси глас твой, Иоанне Дамаскине, и писаньми обличил еси хульники церковныя, да отщетится тех зломыслие. Сих ради бывших о тебе, славне, славим тя:

Радуйся, перваго честнаго богословия добрый последователю;

радуйся, внемлющих даже до ныне словесным млекопитателю.

Радуйся, слова Божия мечь вземый, яко да еретическаго мудрования главу усекнеши;

радуйся, предания церковнаго преемниче, имже веры изменения избегнеши.

Радуйся, словом изясней Христову веру;

радуйся, яко от мудрости мира небесных изложил еси премудрая.

Радуйся, громов гласе богословствуяй;

Радуйся, некрадомое слова Божия богатство.
Радуйся, цековнаго здания плинфо
несокрушимая;
Радуйся, ни единого от вражия лести поколеблемь
бывый.
Радуйся, основания богомудрых мужей
пробавителю;
Радуйся, благоглаголивых отцев сорадетелю.
Радуйся, преподобне Иоанне, Дамаска славо и
вселенная православное утверждение.

Кондак 4

Бури злокозненные клеветы восприял еси
обстояние, преподобне богослове, богословия
ради твоего. Се един царь иному подобие
письма твоего пишет, яко аще предательство
мнил еси в нем: се лжехристов Христова
сарацину предает на казнь, Иуды подражатель,
да умолчат уста глаголющая право: Аллилуиа.

Икос 4

Благоуслышася навет о тебе во ушью царя
дамаскова: оглагольству бо подложныя хартии
веру ят, никако оправданий словесе невиннаго
Иоанна боголюбца послуша повелитель: на
усечение десницы предаде его, еюже письменне
все хулящии Бога бяху обличалися. Но сего
ради,
радуйся, тебе, о Иоанне, воспоем:

Радуйся, ведый, яко на право славящия Бога
козни вражия изобилуют;
радуйся, тех претерпевый довольное даже до
крове действо.

Радуйся, мученическому лику сопричетниче;
радуйся, исповедником Христовым истый
обещниче.

Радуйся, руко боговодительствуемая;
радуйся, льстиваго врага доблий одолетелю.

Радуйся, изяснительное неописаннаго писание;
радуйся, лукаваго действия посрамление.

Радуйся, яко от завистников стрел страждеши;
Радуйся, яко теми уязвляемь, правды Божия не
отрекаешия.

Радуйся, яко кровию вместо чернил руку твою
омочил еси;
радуйся, яко по казни, Божия Матере и Господа
попечению ся предал еси.

Радуйся, преподобне Иоанне, Дамаска славо и
вселенная православное утверждение.

Кондак 5

Боготечная звезды славу подражаючи, явися
десница твоя, Иоанне богоносе, яко волхвом,
указующая людем, како могут поклонение право
принести Богу, во образе убо зряще сущаго, в
пени же Тому поюще: Аллилуиа.

Икос 5

Виде Пресвятая Владычица Иоанна
припадающа ко образу Ея, в болезни стеньщаго,
усеченную десницу прилагающа, и по вере своей
на Ея помощь уповающа: вся бо содеяти может,
яко Мати Божия, хотящи. Явися же ему во сне
Пречистая, приемлющи обет того, писаньми не
престати восхваляя Бога и Богородительницу, и
се исцеление удобь дарова руце вернаго, емуже
мы возопиим:

Радуйся, благоговейный к Богу молебниче;
радуйся, Богородицы Пречистыя дерзновенный
беседниче.

Радуйся, яко во ушию Ея бысть молитва твоя;
радуйся, яко внят ходатаице вседержавный Сын
Ея, еже исцелити тя.

Радуйся, всемогущаго покрова Богоматере
ликование;

Радуйся, неистощимыя благодати небесныя
приятельнице.

Радуйся, непосрамленное упование на Господа;

Радуйся, цельбы небесныя и нам ныне
прошение.

Радуйся, чудесе Божия свидетелю;

Радуйся, оглаголаных, в болезнех сущих и в
мучениих приятелю.

Радуйся, яко всемогущаго врача лекарство
улучил еси;

Радуйся, яко Тому, в вере паки укрепься, всем животом послужил еси.

Радуйся, преподобне Иоанне, Дамаска славо и вселенныя православное утверждение.

Кондак 6

Проповеда покланяемаго тобою Бога чудо исцеления твоего, пред царем сарацинским: горе мне, проглаголати убо увещавшее, неправеднаго же буесловия того подавше разумение. Ты же, Иоанне богоблаженне, воспел еси десницы Вышняго Божественную силу: Аллилуиа.

Икос 6

Сияние святыни твоея явися пред царя дамасскаго, не удержа бо лести власть на сердца невернаго властителя властитель лести, о Иоанне праведне. Честь же сана хотя ти возвратити и власти полноту, услыша тя князь, к ногу его припад просяща, да пустит тя, по Господе ити монахом. Еда убо о сем смирении не воспоим избраннаго Христова сице:
Радуйся, праведнаго жития оправдание;
радуйся, преподобнаго жительство желание.
Радуйся, Богоматерняго чудесе сопричастниче;
радуйся, Христовы истины изяснение.
Радуйся, срамляющим яже о Христе обидимыя срамление;

Радуйся, благословляющим яже благодворящим о Бозе благословение.

Радуйся, Божия чудесе явление;
радуйся, яко явился еси богоневестныя Матере Иисусовы благоволение.

Радуйся, иноческаго жития чаятелю;
радуйся, красных земных, любви ради Божия, отривателю.

Радуйся, соблазну не имевый места в сердцы твоём;

Радуйся, яко оно точию любви и кротости исполнил еси.

Радуйся, преподобне Иоанне, Дамаска славо и вселенныя православное утверждение.

Кондак 7

Хотящу ти воздати слово право Богу, и в нищету смирения облещися, рабе благий Христов, рабы твоя пустил и вся имения раздал еси, в работу предложитися грядя монаха. Тем убо во обитель пришедый святого Саввы, игуменом прият, хвалебная воспел еси: Аллилуиа.

Икос 7

Новых подвигов ристалище себе стяжал еси, Иоанне воине Христов, едина старца во учителя приемь, яко да смирению научит тя и послушанию: се да не преждних чесо творил бы, аще и благих, по твоей воли, но воля старца, и

безмолвие, и сердца чистота, и труд работен тебе во о браз бытия вменишася: сего же ради радуйся, блаженне Иоанне:

Радуйся, добродетельнаго жительства фимиаме; радуйся, о гресех преждняя жизни слез пролитие.

Радуйся, телесными труды украшейся; радуйся, духовными подвиги преображейся.

Радуйся, богогласная труба, смирения ради умолчавшая;

Радуйся, яко исцеленною рукою писало отложил еси во избежание превозношения мысленнаго.

Радуйся, телесно здрав, душу уврачевати пришедый;

Радуйся, обоя от Творца приемый.

Радуйся, высото смиренномудрия;

радуйся, красото Христова подражания.

Радуйся, прекословия и ропота в сердца твоем не познавый;

Радуйся, змия гнева и сумнения из помысл твоих изгнавый.

Радуйся, преподобне Иоанне, Дамаска славо и вселенная православное утверждение.

Кондак 8

Странное и ангелом, и человеком бысть видети тя, Иоанне богоносе, во граде бывшия твоея славы в ретищем оболченнаго, по послушанию кошницы драгия ищуща продати: обаче о

таковем не поревновав унижении, помогшаго ти Бога благословение духовнаго отца исполнити, хваля прославил еси: Аллилуиа.

Икос 8

Весь быв горних исполнь, Иоанне богословесниче, обрелся еси от старца обличаемь, аки Адам преслушанием подпад Рая отлучению, в дольных хотение вмени бо той о едином брате заупокойное твое пение, еже умолен быв сотворил бе ты: мы же тебе поюще славная, во усладе райстей днесь веруем тя быти:

Радуйся, сердце имый состраждущее;

радуйся, внемляй слезе просящаго.

Радуйся, пояй славу ко Христу отшедших;

радуйся, услаждай живых о радости небес достигших.

Радуйся, покаяния пред смертию молитву в песни пролити научаяй;

радуйся, вся тленная греховная пред сретением Господа оставити взываяй.

Радуйся, оставил бо еси высокая земная;

радуйся, наследил бо еси сих ради превыспренняя небесная.

Радуйся, послушания всякаго исполнение на ся вземый;

радуйся, в преслушании покаяние действенное давай.

Радуйся, яко, греха ради исправления, гнуса не возгнушался еси;

радуйся, яко искуса ради неудобоприятная претерпел еси.

Радуйся, преподобне Иоанне, Дамаска славо и вселенныя православное утверждение.

Кондак 9

Всякое естество бы пренебрегло наложеннаго на тя, Иоанне смиреннолюбче, прещения, аще и монашескими украшенно: но твое зря старец на унижения благоприятие, ти спребывающа воспе смиренна сердцем и кроткаго Христа: Аллилуиа.

Икос 9

Ветий глагололюбных праздно слово, благовещанна мудролюбца Иоанна тщащесе воспети добродетель: не убо той своею волею, но волею Пречистыя Владычицы, ко старцу его явльшиися, откры уста своя, Господь же тя исполни Духа. Да Сей и нам поможет, блаженне, радуйся, тебе воспети:

Радуйся, всякия плоти радость о Богородице воспевый;

радуйся, яко велением Пренепорочныя из устну твоею тоцы богословия излишася.

Радуйся, общежительнаго жития согласие;

радуйся, монашескую мнивый келлию яко Рая блаженство.

Радуйся, неизждивное ангелоподобное пение;
радуйся, яко до ныне преподобными гласы
твоими Бога воспеваеши.

Радуйся, славу обретый в безславии земнем;
радуйся, соблазна избегий в величиих дольных.

Радуйся, о цари Бозе раба себе содеявый;

Радуйся, рабство земняя власти презревый.

Радуйся, еже славити Бога меде устом нашим;
радуйся, богословия необинуемаго
златословесниче.

Радуйся, преподобне Иоанне, Дамаска славо и
вселенная православное утверждение.

Кондак 10

Спасения людем хотящаго Бога прославил еси,
достоблаженне Иоанне богоревнителю, да не
како разумы отвергнутся Творца, умно человеки
призываяй пети иже греха жало смертное от
человек отъемшаго: Аллилуиа.

Икос 10

Стены церковная ограда часть быв, святой
угодниче Дамаскине, твоя души врагу не дал
еси, ни телесе церковнаго растлiti словесы
блазными: не измышлений басни рек, но
посещения сподоблься Духа Божия, вещал еси, о
Иоанне, божественная оправдания, о нихже
сиче благодарственне ти восписуем:
Радуйся, Бога созерцающее сердце;

радуйся, духоначертанное писание.
Радуйся, возшедый на мысленный Синай
боговидения;
радуйся, из глубины смирения на церковную
гору святыни вознесыйся.
Радуйся, святителей твердое богомыслие;
радуйся, преподобных тишино смиренномудрая.
Радуйся, иереем священныя тайны изъяснение;
Радуйся, ниже кому затворей сладости
богопознания истину.
Радуйся, возлюблей не обинуяся последовати
правде;
радуйся, из келлии воздержания не удержавый
плодобогатство в духовных чадах.
Радуйся, светильниче света Пребожественнаго;
радуйся, сению мантии иноческаго покрывый
бренную мира славу.
Радуйся, преподобне Иоанне, Дамаска славо и
вселенныя православное утверждение.

Кондак 11

Поющим нам богопознания основ неисчислимая
тобою пения, благий Христов учениче Иоанне,
не тощих тщимся подражати глаголов
множество, но уверения Божественнаго силу
зряще в словесех твоих, не премолчим в тебе
Святаго Духа действия, глаголюще: Аллилуиа.

Икос 11

Светосиянную надежду живота вечнаго в творения твоя вдохнул еси: всем иже погребсти имущым, жестоковыйных показал еси отход, и красных тлен, имиже сокровищствуют людие. В тебе же видим, блаженне Иоанне Дамаскине, по преставлении твоём, яко довольне послужшу Богови, святое восприятие: темже, аще и скудную, прими от нас песнь сию:

Радуйся, у гроба плачущыя утешая;

радуйся, глаголы усопших нам песенно вещая.

Радуйся, молитвенное воздыхание о грядущих ко Господеви;

радуйся, пагубы вечныя живым предображение.

Радуйся, словеснаго врачевания начальниче;

радуйся, догматическаго наказания ресноту.

Радуйся, будущия жизни в горних яснозрителю;

радуйся, о в нераскаянных гресех печали повествователю.

Радуйся, песнями твоими упреждаяй смерти страх;

радуйся, научаяй страха Божия на человецех утверждению.

Радуйся, деснице, крепостию писаний благолепно прославленная;

Радуйся, разуме, просвещаяй концы.

Радуйся, преподобне Иоанне, Дамаска славо и вселенныя православное утверждение.

Кондак 12

Благодати дателя вольно восприял еси разумом и сердцем, яко сый раб Господень, рабства, Иоанне, мнимаго не убоялся еси, лукавья работы отвергий союз, победно восклицая: Аллилуиа.

Икос 12

Поем воспевшаго горних славу, Иоанна всебогатаго: того дивляемся благоплодоносию, образа учения и мудрости высоты, смирения же тишины велегласныя, явился бо вселенней православное исправление и древних Христолюбцев корень, емуже уста наша да не закоснеют выну пети:

Радуйся, духовнаго наследия сокровище;
радуйся, млека словеснаго о спасении
изобильное истечение.

Радуйся, на земли воспевый, аки ангелов лик,
славу воскресения Христа;
радуйся, славословяй ныне Господа у престола
Того на небесех.

Радуйся, Божия Матере словесная похвало;
радуйся, Царствия Небеснаго живописателю.
Радуйся, смоковнице, плод твой во время свое
преизобильно давшая;
радуйся, усладившее смоквами словес твоих
благодаренное древо Христовы веры.
Радуйся, цвете благоухаяй истиною;

Радуйся, еретического зловония истощителю.
Радуйся, славы Божия многоплодное писание;
Радуйся, веры Христовы неиздивительное
учение.

Радуйся, преподобне Иоанне, Дамаска славо и
вселенныя православное утверждение.

Кондак 13

О великий песнословче Иоанне Дамаскине, веры
Христовы добльственный ратниче и учителю,
величай на земли горних Божественную славу,
и дольных научаяй смыслы истины: да не будут
тщы тебе молитвы наша: услади нас поучении
твоими, и небесным заступничеством огради
нас, да не блаженно со святынею твоею
великаго поем и величаем Бога: Аллилуиа.

Сий кондак поется трижды, по нем икос 1 и
кондак 1



ПОЛНЫЙ
АКАФИСТНИК
КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДНИЦЕ
АРХАНГЕЛАМ
И АНГЕЛАМ

†

НОВОЕ
* НЕБО